



Broj: 02/5-1 - 30-1 - 5293

Datum: 14.07.2023. godine

U skladu sa članom 42. i 43. Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), članom 23. stav (3) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj: 1/16, 26/19, 31/19 i 39/20), te u skladu sa odredbama Pravilnika o unutrašnjoj organizaciji MUP-a Kantona Sarajevo br. 01-7-02-4934/21 od 16.02.2022. godine, policijski komesar u Ministarstvu unutrašnjih poslova Kantona Sarajevo, objavljuje

INTERNI OGLAS za unapređenje državnog službenika

U Ministarstvu unutrašnjih poslova Kantona Sarajevo – Upravi policije, neophodna je popuna upražnjenog radnog mjesta, i to:

1. Načelnik odjeljenja za pravne i kadrovske poslove u Odjeljenju za pravne i kadrovske poslove, Sektora za pravne, kadrovske poslove i analitiku – 1 izvršilac

Opis poslova: Rukovodi i organizira rad Odjeljenja, osigurava blagovremeno, stručno i zakonito izvršavanje poslova iz djelokruga rada Odjeljenja, nadzire, usmjerava i kontroliše rad svih uposlenika u Odjeljenju i vrši raspored poslova na državne službenike i namještenike, učestvuje u pripremi prednacrti i nacrti zakona, drugih propisa i općih akata, obavlja najsloženije poslove iz nadležnosti Odjeljenja, prikuplja informacije, organizuje uspostavu i vođenje odgovarajućih evidencija i planira personalne potrebe u cilju efikasnog i blagovremenog obavljanja poslova iz nadležnosti policijskog komesara po ovim pitanjima; analizira propise iz radnih odnosa koji se odnose na uposlenike Uprave policije; daje pravna mišljenja iz oblasti radno-pravnih odnosa; učestvuje u sačinjavanju potrebnih izjašnjenja i pripremi dokumentacije u postupcima pred nadležnim organima, a koji se odnose na radnopravni status zaposlenih u Upravi policije, redovno usmeno ili pismeno upoznaje neposrednog rukovodioca o stepenu realizacije vršenja poslova u okviru Odjeljenja, problemima koji postoje i predlaže mjere za njihovo rješavanje; učestvuje u izradi programa rada Odjeljenja, godišnjih izvještaja o radu Odjeljenja; učestvuje u procesu ocjenjivanja državnih službenika i namještenika; odgovoran je za zakonito, blagovremeno, stručno, tačno, efikasno i efektivno vršenje poslova i zadataka iz svog djelokruga rada; vrši i druge poslove koje odredi pomoćnik policijskog komesara za pravne, kadrovske poslove i analitiku i za svoj rad je odgovoran pomoćniku policijskog komesara za pravne, kadrovske poslove i analitiku.

Uslovi za vršenje poslova navedenog radnog mjesta predviđeni su Pravilnikom o unutrašnjoj organizaciji MUP-a Kantona Sarajevo br. 01-7-02-4934/21 od 16.02.2022. godine, i to: Stečena diploma visokog obrazovanja ili druge obrazovne ili akademske kvalifikacije najmanje VII stepen

stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja pravne struke, najmanje četiri godine radnog staža u struci nakon završene stručne spreme koja je propisana za radno mjesto i položen stručni ispit.

Dokumenti koji se dostavljaju uz prijavu:

- rješenje o postavljenju (trenutnom rasporedu) državnog službenika;
- dokaz o stručnoj spremi (uz obavezno dostavljanje Dodatka diplomi ukoliko je visoko obrazovanje stečeno po Bolonjskom sistemu studiranja);
- dokaz o radnom stažu u struci;
- uvjerenje o položenom stručnom ispitu i
- dokaz o ocjenama rada.

Navedeni dokazi podnose se u originalu ili ovjerenoj fotokopiji.

Sa prijavljenim kandidatima će se obaviti intervju, a o datumu, vremenu i mjestu intervjuja kandidati će biti blagovremeno obaviješteni.

Rok za prijavu je 7 (sedam) dana od dana objavljivanja na oglasnoj ploči Ministarstva unutrašnjih poslova Kantona Sarajevo.

Prijave se dostavljaju neposredno na Pisarnici Ministarstva ili putem preporučene pošte na adresu: **“Uprava policije MUP-a Kantona Sarajevo, ul. La Benevolencije br. 16, 71 000 Sarajevo, sa naznakom “Za interni oglas za unapređenje državnog službenika – NE OTVARATI”.**

Nepotpune i neblagovremene prijave neće se uzeti u razmatranje.

POLICIJSKI KOMESAR
Generalni inspektor policije

Fatmir Hajdarević

DOSTAVITI:

1. Oglasna ploča MUP-a Kantona Sarajevo
2. WEB stranica MUP-a Kantona Sarajevo
3. a/a